



5. februar 2010

Inatsisartut suleriaasianni § 36 imm. 1 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqut:**

- **Illoqarfimmiut piniartut ukioq naallugu puisit amiinik tunisisinnaanissaat qulakkeerniarlugu Naalackersuisut sulissuteqarniarpat?**
- **Great Greenland-ip aamma Naalackersuisut akornanni puisit amiinik tunisinermi 2010-mi kiffartuussinissamik isumaqatigiissuteqarnermi sooq sunalu patsisigalugit puisit amii taamaallaat 55.000-it tiguneqartussatut aalajangiunneqarsimappat?**

**Tungavilersuut:**

Great Greenland A/S ulloq 29. januar 2010 allagaqarpoq puisit amiinik tunisineq unissasoq 15. februar 2010 ukunani illoqarfinni: Nanortalik, Qaqortoq, Narsaq, Paamiut, Nuuk, Maniitsoq, Sisimiut, Aasiaat, Qeqertarsuaq, Qasigiannugit kiisalu Ilulissat.

Allakkami ilanngullugu nalunaarutigineqarpoq nunaqarfinni tunisineq ingerlaannassasoq, illoqarfimmiullu nunaqarfinnut tuniseqqusaassanngitsut.

Taamatut Great Greenland-ip aalajangersimanera illoqarfinni pineqartuni piniartorpassuarnut, taakkualumi ilaqutarpasuinut, ajorluinnartumik kinguneqartussaavoq, allaat inuuniarnermi aningaasartuutitut pinngitsoorneqarsinnaanngitsunut akissarunnermik kinguneqariaannaalluni. Taamaattumik politikikkut illuatungiliuttut akuliunnissaq pisariaqarluinnarluni.

Allakkami ilanngullugu aamma nalunaarutigineqarpoq Great Greenland-ip aammalu Naalackersuisut akornanni kiffartuussinissamik isumaqatigiittoqarsimasoq. Isumaqatigiissummilu puisit amii tunisassiassat 55.000-it aalajangiunneqarsimallutik.

2010-mut aningaasanut inatsimmi konto 51.02.03-mi allaqqavoq puisit amiinut tapiissutit 18.417.000 kr-nik amerlassuseqartut, tasanilu puisit amii katillugit 87.000 pineqartut.

Aningaasaqarnermut inatsimmi allaqqagaluartoq aningaasaliissutini puisit amii 87.000 pineqartut suna pissutigalugu kiffartuussinissamik isumaqatigiissummi puisit amii tiguneqartussat taamaallaat 55.000-nik amerlassusilerneqarsimappat?

Karl Lyberth, Siumut  
Inatsisartuni ilaasortaq